

溫埠推銷公債主任祇林步氏等。均行參加。且已去電請駐加拿大中國大使劉師舜博士駕臨與會云。

▲雙十獻金行將結束。華僑義捐救國總會舉辦之雙十節獻金運動。定期於十一月六日。將所募得之款項。悉數匯寄重慶國民政府財政部收。但結束後。兩星期內。仍接收款金。即僑胞如將款金或函。于一月六日以前交到該會。仍可彙寄。若逾期則撥作救濟傷兵難民款項。該會昨又收到馬金紫總堂獻國幣七千元云。

慰勞會又收到捐款

慰勞分會昨接卑詩省打市稿付埠華僑抗日救國會理財梁邦環。書記梁邦兩君函稱。該處發動募款勞軍。業告結束。共募集加金四百二十六元。計有梁邦環國幣五百元。周憲爵五百元。周日光二百元。周道富一百五十元。周柏才。周朝漢。周章明。梁邦和。周在宏。蔡英達。蔡權盛。蔡英瑞。周道能。謝金源。鄭其隆。周殿。梁維祖。周憲祿。黃良森。袁華瀚。曹庚辛。甘榮添。周源記。林堂華。周道實。梁奕迎。越祥。葉清福。周立喜。楊聯。越集賢。周開胎。岳明。黃德盛。周煥振。關定濟。林光宗。蔡松。蘇健邦。蔡藏盛。蔡英美。周道強。周錦慶。伍勤猷。周開璇。梁相奇。周文源。黃英。每一百元。周洪葵。周錫凌。梁述堯。梁奕根。周開發。黃蘭慶。李坤來。李聰。關定渠。周錦沂。梁邦姚。周英。袁葉英。林寬德。周達昂。周開緒。鄭倫。周瑞錫。周憲選。袁長。袁祥。黃三。劉用賢。每五十元。西人顯利加卡氏加金十元。劉柱南加金二元。

今年本市無煤炭缺乏虞

據煤炭管理主任駐加西代表瑪梳氏宣佈。雲高華市於今年冬天無煤炭缺乏之虞。事因政府在亞省之設計。可增加煤炭產量。以應付一切云。

西婦用力推窗跌出受傷

昨朝約八點半鐘。住第三街東二九四五號門牌西婦雷布氏。因無法開其搖動玻璃窗門。遂出力推之。開後。該婦因出力過多。由窗口拋出。跌落約廿尺。致傷背部。爬行過其屋後空地。又一橫巷。至第二街某屋求救。現留在聖羅德醫院施救。幸無性命之虞云。

●葉建槐翁老成凋謝凶耗
葉建槐翁。係台山都斛白石鄉人。前曾任文華等學校教席。數年來歷充教育會救國機關職員。年屆古稀。發生心病。不幸於昨十六日逝世。十九日在暗士黨殯儀館。舉行出殯禮。除葉南陽堂昆仲求茂等。在場辦理喪事外。親友之到場弔唁送殯者甚多。聞其子孫在都斛市經營商業云。

●明日海陸空軍盛大巡遊
加拿大第七期勝利公債。定於星期日開始勸募。茲為鼓吹各人踴躍認購起見。明日舉行海陸空軍盛大巡遊。屆時有許多新軍械示眾。其中將令人最堪注意者。係噴火唐克車。聞於該日上午十一點鐘。首先在佐治橋之西面地點集合。然後排隊出遊。在佐治街向西而行至加蘭街。轉向北而至片打街。又向東而行至亞爾街。在亞爾街向北而行至喜市定街。直行至郵政總局門外而過之。由卑詩省總督活氏在處答禮云。

西青年毆打老婦判有罪

西青年市都冷氏。被控於昨五月十三號。行劫西婦瑪氏。年八十四歲。並用硬器將老婦毆傷一案。昨在此間巡迴審判。據該婦發表供詞。被劫時。屋內藏有六千七百元於各處。幸未劫去。又辯認被告為本案之罪人。各證人發表供詞後。由十二名陪審員宣佈被告有罪。法官高地氏。諭將被告還押。候至本屆巡迴衙各案審訊後。始定刑罰云。

華車撞倒西女賠款作了

住活倫街三七號門牌西女簡斯氏。年拾六歲。於昨九月四號在喜市定街夾則臣街。被華人胡啟原(譯音)之汽車撞倒。遂控告該華人要求賠償損失。聞被告方允補回二百五十元。以免訴訟。為原告方所接納。又得法官花烈斯氏加以批准云。

兩個西童犯竊案被捕

昨有兩年拾四歲西童。不敢回家者。被拘控以盜竊案。現羈押兒童拘留所候審。聞事起前星期日。該兩童由頃士威西學校逃走。將其單車拋棄。事後探悉該校被入盜竊。至星期一日。警察質問兩童之行動後。任其回家。又至星期日。該兩童著驚。各寫落登信。謂為警察所嫌疑。自出外謀生。兩人向福冷利之路而去。被省差捉獲。解回本拿比區。引導警察到去某地點。搜獲拾二枝廿二號碼來福鎗。子彈七千二百發。暨木匠用具。係在南本拿比中學偷竊者。另登收音機。兩個鐘鏢及烟草等。計共價值約四百元云。

誰人(敵)君之門?

★門戶被敲。我等絕不恐怖。

我等在一自由國居住。任何人都不能違背我等之意志而入屋。或被強牽出外。

四年來歐洲居民。數以百萬計。日日在恐怖中。恐其家庭被劫掠。其婦女被姦淫。其男兒被奴隸。

但在加拿大。門戶被敲。則無恐懼之理由。或者鄰人來拜訪也。

或者勝利公債勸募員。為我等相識者。特來作友誼之相勸。於此回認購較大之公債票。亦未可定也。

無人強迫我等認購公債。

但想起數百萬人。在武力政治下。渴望自由如我等者。我等至少都要援助解放之。由盡量儲蓄。認購第七期勝利公債也。最少認購多過以前一張。

投資於勝利

認購勝利公債

全國戰時財政委員會

